



Pou Piblikasyon Imedya: 29/08/2023

GOUVÈNÈ KATHY HOCHUL

GOUVÈNÈ HOCHUL LANSE NOUVO GWOUP TRAVAY POUPREVANSYON DÒZ EKSESIF

OASAS ak DOH fè reyinyon lansman pou Gwoup Travay Entè-ajans lan sou Prevansyon Dòz eEksesif, rapò ke yo dwe bay pita nan otòn sa a

Anonse nan SOTS 2023 a, Gwoup Travay la pral ogmante kowòdinasyon entènajans, analize siksè pwogram Eta yo, eksplor lòt solisyon

Gouvènè Kathy Hochul te anonse jodi a reyinyon lansman pou Gwoup Travay Entè-ajans sou Prevansyon Dòz Eksesif (Interagency Task Force on Overdose Prevention) la. Gouvènè Hochul te anonse kreyasyon gwoup travay sa a nan [diskou](#) sou Sitiyasyon Eta 2023. Prezide pa Doktè Chinazo Cunningham ki soti nan [Biwo Sèvis ak Sipò pou Adiksyon \(Office of Addiction Services and Supports, OASAS\) Eta New York la](#) ak Doktè James McDonald ki soti nan [Departman Sante Eta New York](#) (New York State Department of Health, NYSDOH), gwoup la gen ladann ekspè atravè disèt ajans ak biwo eta k ap travay ansanm pou konbat epidemi dòz eksesif la nan Eta New York.

"Nan diskou sou Sitiyasyon Eta 2023 mwen an, mwen te dekri angajman nou pou pran plis mezi pou pran swen Nouyòkè k ap lite ak adiksyon yo atravè eta nou an atravè kreyasyon Gwoup Travay Entè-ajans pou Prevansyon Dòz Eksesif la", **Gouvènè Hochul te deklare.** "Pou envèse tandans itilizasyon sibstans ilegal la li mande yon kowòdinasyon konplè atravè ajans nou yo, epi jodi a nou ap fè pwochen etap la nan travay enpòtan sa a k ap kontinye a."

Gwoup Travay Entè-ajans sou Prevansyon Dòz Eksesif la pral revize gwo pwoblèm prevansyon, tretman, rekiperasyon, ak rediksyon malè sou itilizasyon sibstans ilegal ak atansyon sou fason moun k ap utilize sibstans yo kominike avèk edikasyon, swen sante, jistis kriminèl, lojman, ak lòt òganizasyon sèvis sosyal. Gwoup la pral pwodwi yon rapò sou konklizyon yo nan otòn 2023. Misyon gwoup travay la se pral ogmante kowòdinasyon pwogram, analize siksè pwogram eta ki egziste deja yo, epi eksplor solisyon adisyonèl pou kriz sa a.

Gwoup Travay Entèajans sou Prevansyon Dòz Eksesif la gen ladann manm ki anba yo:

Prezidan - OASAS: Komisè Chinazo Cunningham

Prezidan - DOH: Komisè James McDonald
OMH: Moira Tashjian, Komisè Egzekitif Adjwen
OCFS: Komisè Adjwen Suzanne Miles-Gustave
OTDA: Valerie T. Figueroa, Komisè Adjwen, Pwogram Sipò pou Travay ak Revni
DVS: Doktè Lessie Branch, Asistan Espesyal pou Angajman Kominotè
SOFA: Charlie Williams, Direktè Asistan pou Vyeyisman an Sante ak Lonjevite
ESD: Maria Mitchell, Vis Prezidan Prensipal, Syans Lavi
DCJS: Joseph Popcun, Komisè Egzekitif Adjwen
DFS: Eamon Rock, Sipèéntandan Adjwen pou Avantaj Famasi yo
DOCCS: Doktè Carol Moores, Komisè Adjwen ak Direktris Medikal Anchèf
SCOC: Ellen B. Tryon, RN, Sipèvizié Inite MAT
DHSES: Luci Labriola-Cuffe, Administratè Adjwen Depatman Kontwòl Dife Eta a
SED: Kathleen DeCataldo, Konseye Prensipal pou Sèvis Sipò Elèv yo
Lapolis Eta: Kapitèn James Browne, FC BCI
SUNY: Valerie Grey, Vis Rektè ak Direktè Eksplwatasyon Lopital ak Swen Sante Anchèf
CUNY: Pedro Mateu Gelabert, Pwofesè Asosye nan Sante Kominotè ak Syans Sosyal

Komisè Depatman Sante Eta New York Ia, Doktè James McDonald, te deklare,
"Kriz opyoyid la se non sèlman yon pwoblèm sante piblik - se yon kriz imanitè ki touche tout kwen nan Eta a. Nouvo Gwoup Travay sou Prevansyon Dòz Eksesif Gouvènè Hochul la rasanble tout aspè gouvènman eta a ansanm pou idantifye domèn pou pi gwo kolaborasyon epi fè rekòmandasyon espesifik sou pwogram tretman, rekiperasyon ak rediksyon domaj pou elaji aksè ak swen epi sove lavi anpil moun."

Komisè Biwo Sèvis ak Sipò pou Adiksyon, ak Prezidan Gwoup Travay sou Prevansyon Dòz Eksesif Eta New York Ia, Doktè Chinazo Cunningham, te deklare,
"Nou kontinye fè eksperyans ak pi move kriz dòz eksesif nan listwa. Gwoup Travay Entè-ajans sou Prevansyon Dòz Eksesif Gouvènè Hochul la pral jenere pi gwo kolaborasyon atravè edikasyon, fòmasyon polivalan, ak pataj resous pou ede amelyore efò Eta a ap fè pou sove anpil lavi. Rasanble anpil ajans pou diskite sou wòl yo nan abòde epidemi an enpòtan anpil."

Fòs Travay Entè-ajans lasou Prevansyon Dòz Eksesif pral òganize de sesyon ekout piblik ki pral fèt nan Albany ak Staten Island. Manm piblik la ki vle soumèt kòmantè piblik yo bay Gwoup Travay la dwe voye yon imèl bay

OverdoseTaskForce@oasas.ny.gov.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)